

四庫全書

史部

# 欽定四庫全書

史部

硃批諭旨卷二百十六之五

詳校官尚書<sub>臣</sub>德保

編修<sub>臣</sub>裘謙勛

總校官中書<sub>臣</sub>朱鈐

校對官助教<sub>臣</sub>蔡鎮

謄錄監生<sub>臣</sub>張仲芳

欽定四庫全書

硃批諭旨卷二百十六之五

硃批趙弘恩奏摺

雍正十三年正月十二日江南總督臣趙弘恩謹  
奏一雍正九年三月二十一日奉

上諭江安糧道印務著王恕署理其能否勝任之處著  
高其倬尹繼善程元章時常察看據實奏聞欽此欽  
遵在案臣到任以來亦即留心察看時加訓飭而

該署道王恕感戴

聖恩頗知奮勉潔已清查漕弊甚屬實心其辦理諸務亦皆勤謹理合據實奏

聞可否准其實授以示鼓勵恩出  
有旨諭部矣  
聖裁

一蘇州糧道劉柏居心甚好操守亦潔辦理漕務

頗見勤慎理合據實奏  
此人原好朕所知者  
聞

一上元宣城等縣上年窪地受水荷蒙

聖恩蠲賦賜賑

臣

力督屬員加意料理務使均沾實惠

臣又密委標員分往查訪具報如有散賑得法者

如是

即行獎勵稍有扣剋不均者分別叅做復恐差弁  
詳慎庶免欺朦之弊

狂縱諱捏

又另委暗查以期詳慎理合

奏明

一三省渡口船戶浮橋橋夫嘗有勒索商旅之事

臣

屢飭地方各官稽查并刊示嚴禁在案而江寧

地方乃七省通衢歲杪之時更多商民往來恐船

戶橋夫乘機復勒索商羈阻行旅亦未可定臣隨

此舉

甚好

又差委標弁每日分查使知儆惕以利商民理合

奏明

一私鑄錢文屢經嚴禁嗣聞上江有種操舟鑄私  
之徒舟中只用泥罐一箇鐵鉗一把即可成錢偶  
聞查拏將鉗罐即擲淺水查過之時仍復取用弄  
巧玩法莫此為甚臣隨即檄飭密捕今又聞江西

鄱陽湖中亦有此等私鑄姦徒并即密飭該地文武躡拏又通飭諸屬各於江洋湖港上緊密察得有踪跡立即嚴拏解究其深山曠野之地亦加堵捕務期周密使姦徒不致倖脫并移隣省督臣撫臣一體查緝在案理合

奏明謹

奏

私鑄最害錢法應嚴懲者能如是周密察訪殊屬可嘉

之至

同日又

奏一江寧省城一帶於十二月三十日正月初一日  
連朝得雪積至一尺四五寸之深紳士兵民羣相  
感頌

聖主念切民依精誠感召所致又稱除夕元旦之辰得  
此大雪四野均霑時和年豐愈有可望等語臣又  
飛查各屬現據鎮江常州蘇州揚州淮安徐州鳳



陽太平海州滁州和州等屬亦報俱於正月初一日得霑大雪民間感頌

皇仁異口同聲臣恪遵

聖訓愈加寅畏并勸導紳士兵民益知感悟日歸醇厚以迓

天庥以副

聖慈所有得霑大雪民歌瑞兆情形理合奏聞  
瑞雪均沾豐亨預兆欣幸之懷筆曷能喻

一江寧省城地方遼濶商民輻輳今值米多價減之時臣一面勸其加意撙節留心蓋藏而歲律維新間閭共慶豐豫歌咏太平之事仍復畧聽其便用昭和樂不加嚴阻但人煙叢雜恐有竊匪乘機為害更恐有回祿之患臣又選差弁員晝夜遊巡是時加照護以靖地方以衛商民理合

奏明

一三省塘汛臣不時稽查整飭而上江至湖北交

好

界江蘇至浙江交界一帶江河每值歲杪商船更屬絡繹全賴塘汛嚴謹以為保障臣隨又選委幹員分往查看告誡使各弁愈知奮勉勤力以護商旅咸得寧謐理合

奏明

一江寧省城現今米價熟米每石價銀一兩一錢五分次熟米每石九錢四分糙米每石八錢八分歷來民間買食多係次熟米糙米今其價值俱較

往年平減閭閻實有充裕之象又查三省各府州  
屬米價俱平事關民食恐厯

宸衷理合一併奏

聞謹

奏

秉此公忠行去

上蒼自有明鑒人事盡於下

天道感於上其徵驗有不期然而然者但不可稍萌恣肆

之念誌之

雍正十三年正月二十四日江南總督臣趙弘恩

謹

奏一江南地方生齒日繁米糧最關緊要年來疊蒙  
聖主浩蕩天恩截漕改折未雨綢繆上年各處高田又  
幸倍獲收成米多價減理所必然向有蘇州楓鎮  
等處姦牙膽將米糧串賣出洋以致蘇郡及沿海  
州縣民食常虞缺少即內地各屬亦因而價值高

騰素為江省民生大累臣到任後竭力察禁不時密訪嗣經察出王二等偷販當即嚴拏叅究自此各處官弁兵役商牙人等愈知儆惕現今江蘇等處米價較之往年大屬平減民食充裕戶慶豐亨頂戴

聖慈浹髓淪肌臣猶恐姦商地棍牙行因其米糧過賤輒萌故智茲又刊示徧發嚴禁并再行蘇州府等會督兵捕保甲在於米糧聚集之地嚴密察訪并

令沿海守口員弁在於船隻出口之處著實盤堵  
臣仍不時密訪如員弁兵役奉行維謹即行嘉獎  
倘稍有玩縱或誣拏滋擾立即叅懲務期私販之  
風全戢民間之米更饒臣一面勸導士民仰體

聖諭加意撙節留心益歲預為青黃不接之計漸臻餘

一餘三之慶以副

汝自抵任以來恪勤庶務有何可諭第勉始終一轍莫  
聖主懷保黎元有加無已之至意事關民生重務時厯  
移此志然亦不必急驟隨時酌宜次第為之  
聖懷理合再為奏

聞

一臣訪聞潁州地方有種遊手好閒之輩矜其膂力逞其兇潑夥稱羅漢尋事搆豐陵害良懦殊屬不法隨即密行拏究茲據署知州高淑曾詳報將

為首及强悍最著之楊會談成等十名拏獲現在極應嚴行究懲然必虛公詳察果屬確實而後寘之於確審等情臣隨批飭安慶按察司飛提嚴究結黨

法

逞兇確情定擬招解并再令該州訪拏此外著名

黨羽毋使漏網以安良善理合



奏明

一江寧省城及上下兩江各屬除夕元旦得雪情

形經臣

奏明在案今據江西布政使刁承祖呈報江西省於正月初一初二初三等日連得瑞雪積厚四寸之深又九江饒州等處亦皆得雪萬姓歡呼咸稱今歲春作秋成定獲豐收悉皆

皇上厚澤深仁念切民依所致理合奏

聞以慰

聖懷謹

奏

江右亦獲均霑

天澤深為黎元欣幸

同日又

奏為恭請

聖訓事竊照直隸知州其責同於知府本州事簡民淳

自可兼綜若地處邊要民刁政繁雖有長才實難  
勝任如上江之直隸潁州界接豫省地方遼濶錢  
穀而外刑名事件數倍他屬似應請將潁州陞為  
府治設立知府一員附郭添設知縣一員并酌添  
佐雜首領該府除轄附郭一縣并潁上霍邱二縣  
外有直隸亳州并所屬之蒙城太和二縣境土與  
潁毗連城池相隔俱在百里內外潁州既陞為府  
亳州毋庸仍設直隸可與蒙城太和二縣均歸潁

州府管轄共一州五縣在知州知縣既得各辦本  
邑事務知府可以統率稽查巡歷整飭於吏治民  
風均可望有實效且查潁地適居州縣之中壓彈  
控馭似於形勢亦屬相宜行據司道等議覆前來  
但事關以州政府設縣添員臣未敢據行具  
題恭繕摺具

奏是否有當伏乞

皇上恩賜訓示如其可行臣當另為備晰

題請為此謹

奏

照議具疏題請

同日又

奏一欽奉

硃批江西饒州營叅將彭肇槐居官何如雖係土職出身朕觀其才具頗優堪勝副將任否如以為可用與何協相宜一併奏聞欽此臣查彭肇槐為人誠實辦

事克勤謹慎小心亦無巧偽可勝副將之任但生性粗笨若用之於江西上江等協俱可盡其所長下江兵民巧詐不能照察湖廣四川向所親熟萬不宜用至於總兵一任不但其才不能稱任亦且不宜加此重權合併陳明

一常熟縣知縣張嘉論因經徵蘆課未完部議革職離任

題請留辦吳縣部覆未准今據司道府等皆稱張嘉

論為人謹慎練達前署吳縣首邑於地方諸務甚是留心盡力等語臣查張嘉論實屬幹練勤謹可勝繁劇之員因公廢棄殊覺可惜可否仰邀

皇上天恩仍准送部引

見酌量錄用再江寧一邑乃省會劇縣現又缺員或即以張嘉論帶革職之案署理效力臣因地方人材起見合併據實陳明是否可行臣未敢擅便統乞皇上睿裁訓示遵行

一正月十一日接准部咨奉

上諭聞劉藩長福建布政使任內經手錢糧公費耗羨  
雜項尚多未清之處著將劉藩長仍留閩省與張廷  
枚交代清楚再赴江蘇新任欽此臣查劉藩長先於

雍正十二年十二月十七日已到藩司新任當經  
檄令欽遵去後隨據劉藩長以前任福建布政使  
任內經手一切正雜錢糧已經移交新司張廷枚  
兌交明白出有印結至無著確價一項係撥為巡



防臺寨火藥應於公項內咨部撥補透動船工津貼一項係改造船隻詳院批示准給且經咨部公費養廉各項支放有案藩長奉閩省督撫會催赴蘇已到新任等情詳覆前來臣因劉藩長所詳情由是否確實江省無案可稽如係督撫會催赴任勢必徒然往返轉至誤公除已飛咨福建督撫二臣確查至日即飭星速起程回閩另

奏外合先陳明謹

奏

覽奏俱悉候另有旨命閣臣頒示

雍正十三年二月初六日江南總督臣趙弘恩謹

奏一兩江各屬徵收錢糧積弊多端以及櫃書重斂

稱收捐票需索銀匠低估成色多勒火錢種種累

民之處經臣上年嚴行稽察極力拏懲務期咸知

改易前轍謹守法度茲又聞得有種戶書凡小民

完過錢糧必要花戶會面送禮方肯將已納銀數

是

開除若花戶不會送禮面懇者如該額銀一兩內已納過三錢竝不於實徵冊內開除已完三錢之數而下次比期仍照一兩追比以完作欠實為民害臣即通行出示嚴禁現在查拏枷責以懲姦胥以恤民隱理合陳明

一三省官吏向係上下欺朦交相詐偽權歸書役賂賄公行上年經臣確訪叅拏各屬雖知警惕但日久不無怠玩且刑名一節尤多率混命盜大件

多不依限完結支吾延緩而竊案及自理承審承  
追等事更復牽延拖累承行書吏舞文巧弊朦官  
延擱恣意苛求陋習尤難細數茲當二月開告之

始臣現在嚴行出示責成道府確查稟究臣仍密

刑名事件惟別除拖累之弊為最要亟宜嚴飭屬員尤  
行訪察不使姦宄漏網無枉無縱懲重儆輕俾得  
各知悚惕不敢仍蹈故習苦累民生以飽蠹腹也  
當重懲胥役不可絲毫稍有寬假  
理合奏聞

聞

一上江壽州鳳臺等州縣竊劫案件多於別邑

臣

仰遵

聖訓極力整頓屢飭文武各官密加察拏并又細加體訪查有壽州窩家吳聰子等八名賊匪蕭麻子一名鳳臺縣窩家陳秀卿等二名賊匪陳黑耳梁等五名霍邱縣窩家呂嵩麻子一名俱潛住各該州縣境內任意窩賊而呂嵩麻子又係狡猾積窩凡遇壽鳳各賊犯事無不逃匿該犯之家必須密拏

方能有獲臣已密檄該管文武各官嚴拏務獲確  
審實情按法究懲以靖地方并飭不許妄拏滋擾  
以副

聖主弭盜安民至意理合奏

聞謹

奏

嚴拏窩家使盜竊無容足之處則地方自靖可謂得拔  
本塞源之道矣

同日又

奏為奏

聞事雍正十三年正月二十七日據溧陽縣具稟鈔送

生員羅燮鼎呈告總理陝西巡撫臣史貽直前任

兩江總督時改縣立識伊叔史惇化洩其陰謀等

語呈詞一紙聞係瘋癲之人并史惇化手札到臣除另摺鈔呈

御覽外臣見其辭語支離不經似有挾讎串誣捏陷情  
形抑或另有情節均未可定當即密發蘇州按察

司飛提該犯等研訊確情去後隨據署鎮江府稟  
稱羅燮鼎曾被史族赴府控告盜葬墳地燮鼎亦  
訴史官發掘互控有案未結等語是否燮鼎藉此  
挾嫌誣陷又經密發蘇臬司一併確訊俟訊明到  
日臣再詳加細核另行具

奏事關大臣不敢隱匿理合先行奏

聞謹

奏



披閱呈詞殊屬荒唐之甚至於互控瑩地其中不無倚勢欺陵致成讐怨情故事既經司由府彰彰顯露自當審明曲直題奏以聞

雍正十三年二月十五日江南總督臣趙弘恩謹

奏一臣於雍正十三年二月初六日接到大學士鄂爾泰張廷玉寄字內開雍正十三年正月二十一日因宿州等處有採花大刀五岳擡天三乘等會聚集多人欽奉

上諭一道遵

旨寄信前來等因到臣欽此查臣到任之後即聞上江地方有等隨會燒香之事斂錢聚集男女混雜其中敗壞風俗包藏姦匪種種不法應宜嚴懲勿使滋蔓隨即密訪查拏去後復因江西玉山縣匪類黃森官等之事臣愈加警惕極力搜訪不時密札文武員弁一體暗察於雍正十二年四月初八十七等日據定遠縣并鳳陽道報獲擡天尖刀會人

犯張大劍等十四名又於五月十二等日據合肥縣報獲南陵縣三乘會又名糴耙教人犯潘玉衡等十四名又於十一月十八日及十三年正月初七等日據鳳陽道并鳳臺縣報獲五岳會人犯李盛木等二十三名又於上年十二月初六日據宿州報獲探花會人犯趙文龍等九名又獲大刀會湯振一等三名俱經臣一面飭發司道審擬一面奏

聞在案嗣據安徽道將南陵縣三乘會一案人犯審解到臣當查審擬未協臣因江寧布政使李蘭辦事精細隨發該司就近研訊茲捧讀

諭旨仰見

皇上明察秋毫無微不照臣當即欽遵密札安慶撫臣及藩臬兩司一體凜遵

聖訓詳悉辦理務使首惡不得漏網無知咸皆化誨其  
他無辜讐叛不致波及姦宄全消地方寧謐以仰

副  
徹底清理  
聖主戢惡安良至意俟辦理完日另行具

奏外理合先行奏

聞

一江寧府理事同知係專難要缺必須勤敏強幹  
之員方克勝任前因同知錫昌患病解任所遺員  
缺於上年四月內經臣委臣衙門筆帖式巴都善  
署理該員為人明白辦事勤慎署事十月以來審

理一切旗逃案件俱屬公平理合據實

奏請仰懇

聖恩俯將江寧府理事同知員缺即以巴都善補授則該員愈加奮勉而要缺可收得人之效但臣愚昧之見是否有當伏候

聖裁其巴都善筆帖式員缺毋庸發補現有筆帖式赫赫一員儘足辦理合併陳明謹

奏

有旨諭部矣

雍正十三年三月初一日江南總督臣趙弘恩謹

奏一臣捧讀

御批河東督臣王士俊奏摺仰見我

皇上策勵臣工奠安民生至意伏查各省未墾田地勸  
民墾種疊蒙

諭旨令直省督撫各就本地情形細加籌畫勸助墾闢  
其體

國經野之謀至周且備臣因江南民情好逸惡勞巧  
於爭占到任以來即留心檄催察督又於上年八  
月內檄行三省各司道將各屬凡有可墾之地逐  
一清出冊報并令籌議立法廣為化導飭有力者  
開墾無力者捐助牛種并嚴禁豪強不得阻撓侵  
混逐一查辦在案現在節次催查益加勤督竭力  
大率江省民情與他處不同又當斟酌舉行  
勸捐開墾外理合

奏明



一江寧糧道王恕押運過淮近據稟稱淮揚一帶

果能

米價甚賤上米不過一兩人民俱各樂業熙熙皞皞如此固是太平景象或出於屬員虛張之辭豈遂

信以

為實而弛其警凜之心乎此皆

皇上念切民瘼

聖德涵濡之所致也合併奏

聞

一江寧省城二月十八二十二二十七等日連得大

雨餘日晴雨應時臣差弁四外查看俱稱麥苗旺  
茂百姓歡欣目下米價中熟米每石一兩一錢次  
熟米每石九錢三分糙米每石九錢合併陳明謹  
奏

據奏麥苗旺茂米價平減此誠堪為額慶

同日又

奏一江西新淦縣革衿謝芳輝等屢次毆官搶犯大  
屬不法臣到任之始即嚴飭查拏其首惡謝芳輝

已於上年十一月十二日報獲餘黨陸續就擒經  
臣先後奏

聞在案今據臨江府稟稱本年正月二十一日復獲逸  
犯楊榮等八名此案人犯俱已全獲等語臣查此  
等姦棍若不嚴行懲創何以肅法紀而安良善現  
在飭司嚴審究擬外所有此案人犯全獲緣由理  
法紀之設正為此輩  
合先為奏

聞

一聞江西民間所用錢文內有將鉛私鑄成錢及薄小不堪之錢攙和使用溯流尋源明有私鑄之人臣隨疊檄嚴拏今據峽江縣報獲長簾地方私鑄鉛錢之廖從三等二犯并起獲鉛一包及鐵鉗鐵杓訊據供認不諱并稱所鑄鉛錢係換給新淦縣民廖二妹行使等語竝據臨江府稟報臣即飛飭嚴拏廖二妹務獲一併嚴究黨羽務盡根株庶姦徒不致漏網錢法得以肅清矣理合奏

好

聞

一江西建昌府暨豐城長寧龍南等縣稟稱今歲  
二麥前沾瑞雪又復雨水均調兼以目下天氣融  
和無不青葱秀發徧陌盈阡俱皆暢茂米價上米  
亦不過一兩萬姓歡呼人民樂業等語理合奏

聞謹

奏

覽建昌等處雨水二麥情形甚為慰悅但未知闔省普

遍否

同日又

奏一江寧省城查有民人李三與旗廝任保在朝陽門外朋充柴草牙行用強邀截詐害鄉民業經臣與將軍臣吳納哈批行究處在案臣恐此外尚有生事索詐之徒隨又飭行查禁茲據署江寧府理事同知巴都善詳稱附近滿城之正陽北安小門西華四門俱有柴草民牙皆領牙帖訊據牙人陳

應力

漢章等供認從前亦有串旗頂冒及族隣朋充情  
事今應一併革除勿使滋擾

城若不設立牙行誠恐買賣無所憑倚民人故擡  
其價旗廝恃強勒買不無爭執滋事應於四門各  
設民牙一名飭令上江兩縣另選誠實之人充當  
牙人抽取用錢每百只許三文等情到臣臣查所  
議俱屬妥協隨移准龍江關議覆相同除行該縣  
查照并會同將軍嚴禁旗人復串滋事民牙亦不

許違例朋充多索臣仍不時密察如有前項情弊  
即行拏懲以安民業理合奏

聞

一賭博最宜嚴禁臣節遵雍正四年禁止賭博定  
例明白鈔錄飭行各屬徧貼城鄉村市咸使周知  
并飭嚴拏賭犯根究賭具來歷按擬究處在案乃  
近訪揚州至泰州通州如皋一帶水路地方有頑  
梗不化棍徒以屋內聚賭兵役易於擒拏更生機



詐聚集舟中停泊無定肆行賭博岸上之巡邏在所不及水師之察緝隔越他舟罪及鄰船不過暫

時歇泊責嚴保甲亦難飛渡協拏而泰州之寡婦嚴禁製造賄具源清而流自潔矣  
橋謝家埠以及通州城外在在皆有臣現在密諭

中軍慎選幹員前往水路一帶扮作客商暗行察訪如果確實并現有賄具贓據立即擒拏解交該地方官嚴訊究治去員如有滋事驚擾定即一併重懲理合

奏明謹

奏

覽

雍正十三年三月十八日江南總督臣趙弘恩謹

奏為奏明事竊照編立保甲乃弭盜安民之良法洵  
為要務臣到任後通飭三省嚴行稽察務使實力

奉行在案惟是江寧為省會衝要之地五方雜處  
編立保甲先應審度地方之可行與否有司才力之能  
最易藏姦保甲之法不嚴則宵小得以潛蹤姦棍

行與否毋得一味嚴急勉強從事倘地方或不相宜才  
力或有於焉窩頓編查之法不密則經胥假造冊而科斂  
使費借編戶而騷擾毫無裨益前代論治術者動稱  
社倉保甲二事固云善政然必須俯順輿情徐勸導  
相機酌宜而為之方能奏效非如賭博宰牛私鑄盜匪  
但當繩之以法不容稍為姑息之可比也據云省會五  
方雜處最易藏姦非籍保甲稽察不能剔除甚屬有理  
但從古有治人而無治法即如賭博盜匪等件雖資保  
甲之嚴密尤賴牧令之精勤是以百凡禁令逐末莫如  
安民起見即檄委該員各照該管境內將各屬保

端本且立法之初嚴似勝寬而不知過嚴之弊害亦隨  
之蓋寬徐則姦宄雖暫得潛踪而良善亦不致株連嚴  
急則姦宄自無所容足而善良斯不免擾累矣總之為  
政以得人為要用得其人自能因地制宜順時敷教奚  
必規甲內肅清地方寧謐毋許滋事擾累除檄飭道府嚴  
美聽聞耳於事何濟汝其知之

加督察務期剔釐積弊實力奉行理合

奏明伏乞

皇上睿鑒謹

奏

覽

同日又

奏一江南地方間發蝗蝻臣於未萌之先通飭各屬  
預為防範後江浦等州縣偶有萌動臣即飛飭撲  
捕田禾得以保護今歲感沐

皇仁疊逢瑞雪蝻子入土必深自無害稼之虞但未萌

之先仍須預為防範隨又通飭各屬地方文武官  
弁督率兵役鄉保村民人等在於各田疇阡陌之  
此舉好事皆當如是防於未然  
間以及山陬曠野之處不時徧加查看如有種類  
萌出立即除治務期淨盡不容稍有滋蔓以保禾  
稼以利民生庶不有厯

聖懷理合奏

聞

一上江鳳陽潁州亳州一帶素稱盜藪又濱淮一

帶綿亘數十餘里一望皆屬波濤冬間水涸一片  
曠野欲設村舍塘汎又慮夏間水漲凡有漁船多  
伏盜匪稽查為難訓化不易臣雖不時密飭訪查  
嚴加拏懲第恐小民多屬愚蠢無知即使重懲一  
二而餘人不能盡知警誡若欲徧行曉示識字者  
少懶惰者多期其革面革心愚民無不洞曉實屬  
難事是以面諭盧鳳道范璨將強盜竊賊窩家治  
罪及父兄應訓子弟并牌甲不首均有干連坐罪

作成俗語以曉諭愚民則可習唱歌曲殊近於褻政體

攸關

五事作成俗語歌曲分散鄉村僻壤令其習唱家喻戶曉使愚夫愚婦易於領畧交相勸勉如有犯

者俟審定之日按罪之輕重輕則即於該地方嚴行枷示更使兇惡皆知儆懼似於化頑懲兇或有裨益是否有當理合奏請

皇上訓示遵行

一江寧城守營副將康華齡臣見其為人謹慎小心是以令其署理江西南昌總兵之缺隨經密加



訪察果能實心辦事因臣未敢深信前次亦未奏  
聞續因總兵官李蔭樾調任福建建延鎮之缺臣復令  
康華齡前往署理屢行密飭江西官員查訪并札  
詢撫臣常安去訖節經諸員稟其勤於操練不尚  
虛名等語又經撫臣常安札臣康副將署篆西省  
已歷八月文武和衷軍民胥輯頃者南回官民咸  
有依依不舍之意等語臣復密行暗訪所辦之事  
多屬妥協操守亦謹練兵亦勤可勝鎮臣之任不

且再試看此人朕尚信之不及  
敢隱匿理合據實奏

聞謹

奏

覽

雍正十三年四月初三日江南總督臣趙弘恩謹  
奏一銷燬制錢例禁嚴密臣屢經檄飭各屬不時查  
拏按律究擬在案今於三月十五日據江寧縣報  
稱遵檄四路訪查在於陽字鋪甲內有朱魁之與

江雲生聞爐打造甲釘暗燬錢文當即起獲已燬  
未燬制錢并火罐鐵鉗等物并拏獲該二犯訊供  
稱係高文儀叫秦大拏錢五百文來烱今年二月  
裏還烱過幾次每次約有四五百文還有李采臣  
烱過二百文拏獲秦大供亦相同復拏高文儀李  
采臣到案訊據高文儀雖供稱所燬係破碎小錢  
據李采臣供係燬的是白銅做烟袋的等語明屬  
狡飾且恐所燬定不止此幾次代燬亦決不止此

兩人臣已批行蘇州按察司嚴審銷燬確數及根  
究此外有無銷燬之人究擬招報一面飭令再行  
應嚴究者

密訪查拏外理合

奏明

一本年正二月內雨雪應時及上年太平寧國池  
州三府并江寧府屬地方二麥長發情形經臣奏  
聞在案今又據上江安慶徽州廬州鳳陽滁州和州廣  
德六安潁州亳州泗州十一府州并下江蘇州松

江常州鎮江淮安揚州徐州太倉海州通州十府  
州報據各所屬州縣咸稱今歲連降瑞雪晴雨均  
調兼以春融和暖土潤澤膏查勘二麥俱皆忻榮  
暢茂將來定獲豐收率土歡忻萬民安堵等情理  
合奏

聞謹

奏

兩江晴雨均調景況欣悅覽焉

同日又

奏竊照上江宿壽二州定遠南陵等縣均有無賴棍徒設立探花大刀五岳擡天三乘等會名色聚集多人結黨行兇欽奉

諭旨令臣會同新任巡撫趙國麟密行訪查將實在首惡杖斃數人則强悍之徒知警愚民不致湔染欽此臣隨密飭安慶布按二司并移安慶撫臣一體欽遵辦理將各會人犯已經拏獲緣由奏

聞在案今據安慶按察使劉吳龍江寧布政使李蘭稟  
稱據鳳陽府將宿州探花大刀二會審供錄報并  
將該司等核看供單呈送到臣臣查所審宿州探  
花會共有八人而兇淫暴惡款跡累累則惟趙文  
龍馮夢藻黃四禿子三犯實罪無可逭又審明大  
刀會共有四人為首之湯振一已獲病故其李進  
朝一犯屢行姦污婦女挾嫌糾衆打降亦罪無可  
逭俱應杖斃其餘各犯分別枷責應飭令該州交

與保甲管束不時查察并諄切化導令其遷善改惡以仰副

聖主戢暴安良化誨愚頑至意撫臣趙國麟於三月二十一日過寧赴任經臣面商已會同遵

旨辦理去訖所有審錄供單理合鈔錄繕摺恭呈

御覽伏乞

睿鑒謹

奏



嚴飭屬員更加訪拏究懲以永熄此風

雍正十三年四月十八日江南總督臣趙弘恩謹

奏一臣接准部咨奉

上諭蘇松常鎮道員缺著蘇州府知府姚孔炳補授蘇  
州府員缺著廬州府知府徐大枚調補廬州府員缺  
著亳州知州盧見曾補授亳州員缺著總督趙弘恩  
揀選題補欽此臣現將亳州知州員缺遵

旨揀選題補外伏查蘇松兵備道王澄慧辦事糊塗任

用胥役不能勝任但操守謹慎為人忠厚似應調用京缺其蘇松兵備道缺查有鹽務道曾弘緒辦事明白但與兩淮諸商甚不相洽而商人亦不悅服鹽臣高斌與臣言之兩次商酌調用似應請將曾弘緒調補蘇松兵備道庶為相宜其鹽務道缺查新補之蘇州府知府徐大枚品行端方實心辦事但其才具似與蘇郡不甚相宜可勝鹽務道之任蘇州府缺查新補廬州府知府盧見曾才具優

長可勝蘇州府之任其廬州府缺查有淮安府海

防同知高越勤敏明白可勝廬州府之任臣因地  
所請方俱可內惟盧見曾一員曾與廷臣論其才品之優  
但伊貌不甚揚蘇郡民風輕薄或恐不宜此缺應再加  
奏請伏乞  
斟酌餘如議行  
皇上訓誨施行

一 本年二月內有崑山典商汪正泰鋪內失火燒  
去貯包當樓十八間尚有旁樓十二間未燒各當  
主紛紛往查取贖共相爭論三月初一日該縣赴

文廟行香即被百姓攔阻在內欲令勒商賠補抵暮  
始能得出據該縣先後詳報臣查小民質當原非  
得已又聞當樓有已燬未燬之處其爭執固無足  
怪而事外之人率衆攔阻未便任其肆行隨批令  
蘇州按察司速飭確查已未焚燒當物照例妥議  
以安民心一面嚴查逞刁聚衆為首者拏究以儆  
愚頑又本年三月內有常熟縣民黃觀越境買鹽  
巡役張盛拏獲扭結墮河黃觀溺斃報縣往驗有

刁民潘詳雲糾衆先毆張盛當經拏獲又有地棍  
周象明統兇搶犯亦被擒拏據縣詳報臣已批司  
飭審確情根究夥黨嚴加究治以靖刁風理合奏

聞謹

奏

刁悍之習應行懲儆固不待言或胥役誣捏虛詞以屈  
陷平民亦不可不防也

同日又

奏一江南各屬驛遞馬匹關係郵傳重務臣屢經嚴飭該管各道府實力稽察務各臚壯足額如有疲缺即行揭叅復又分別等第以示鼓勵勸戒之法如有實心餽養足額臚壯者即予獎勵次者記功或間有疲瘦餽養稍不如法者即為記過以策後效茲據江寧驛鹽道孔傳煥查點上江各屬馬匹分別等第前來查有鳳陽府定遠驛驛丞王聲宏經管驛馬六十五匹除足額高大臚壯外尚有預

備應差餘馬四匹臣當給發銀牌以示優獎其餘  
依次記過更據查出舒城縣三溝驛驛丞范景濂  
管理額馬六十五匹內疲瘦八匹缺少十匹聞查  
預借民馬影射希圖欺朦點驗情殊可惡未便稍  
縱以滋效尤經臣當即具疏  
如此勸懲公當何慮屬員之不感畏  
題叅在案所有查驗過上江各屬驛站馬匹并獎勵  
緣由理合奏

聞

一、本年四月初七日，據鎮海將軍標副將杜愷稟稱：四月初五日夜，丹徒縣屬之新河口地方風鼓

水湧，近江東岸約坍三十餘丈，西岸約坍六十餘丈。物也，其名向未聞。居民何從而知其轉動？地下百姓言係緒婆龍從地下轉動等情。隨據鎮江府詳明，隨便奏知。府暨丹徒縣稟稱：前項坍江兩岸居民是日見風

浪，猛勇俱先已搬移，惟存空房至三更時陸續坍塌。東岸民房五十三家，西岸民房十一家，搜鹽廳三間新開橋一座，民人俱無傷損等情。前來臣即



飛飭江蘇布政司并該府縣確勘兩岸所塌丈尺  
情形查明被坍房屋速為賑恤毋致失所以仰副  
聖主軫念民依之至意理合奏

聞

但聞河淮一帶三月間微覺缺雨近始報獲甘霖尚未  
聞江南二月間雨水稍多三月上半月連次晴明各屬  
麥苗俱極青蔥茂盛米價多在一兩之內民情欣

快恐厯

聖懷合并陳明

一、本年四月內據海州詳據山東安東衛民徐盛海船舵工盧欽呈稱身船裝載諸城縣年客料豆議送邵伯交卸於本年二月二十九日同胡德盛船行至開山忽遇賊船一隻上幫將水手呂德打落下水舵工劉永盛中傷身船隨風飄至嵐頭山口隨稟明東省安東衛驗明傷痕緝盜追賊在案理合報明一體緝拏等情到州轉報到臣又據海州營遊擊稟稱四月初一日准山東安東衛守備

移稱嵐頭山船戶徐瑞呈報伊船於二月二十九  
日行至開山遇賊在船多人受傷水手呂德打落  
下水已據呈通報東省各上司移行沿海營汛協  
緝等情并稟到臣臣隨批令蘇州按察司速飭勒  
緝賊盜務獲究追竝切行狼山總兵嚴飭各營將  
弁督兵協同幹捕一力遍行躡緝務盡根株勿得  
少留餘孽以靖海洋以安商旅外理合

奏明謹

奏

已據東省奏聞矣嚴飭勒緝務獲

雍正十三年閏四月初十日江南總督臣趙弘恩

謹

奏一上年六月內江蘇所屬地方雨水稍多低窪田

禾收成歉薄倚蒙

皇上軫念民生寬徭恤賑又復

特沛殊恩截留漕米二十萬石俟市價增長平糶以便

民用等因當即轉飭欽遵在案今查江南米價每石仍不過一兩內外竝未增長似應緩至六七月間青黃不接之時再行酌量市價平糶以濟民食但目下麥秋伊邇又可望其豐收將來米價似亦不致昂貴若遽行減糶則恐與部價不符如令各屬收存而江南地氣潮濕米石難以久貯臣再四思維酌量權宜查各屬尚有應買均貯穀石何若即以截留之米作為均貯之項令各州縣因地制

宜或借或買照依一米二穀易換歸倉即以採買  
均貯之銀撥還糶價一轉移間似於糶價倉儲均  
有裨益臣因慎重漕糧起見除一面飭司查明各  
屬見在均貯穀石數目妥議詳覆外理合先行

奏請

是

皇上恩賜訓示遵行

一兩淮鹽政從前多因隣私充斥商販囤壓以致

官引難銷臣仰體

皇上裕課恤商至意竭力清釐加緊督緝邇來姦梟之徒各知斂迹愚頑商戶亦知改悔茲據兩淮運使尹會一稟稱目今鹽法大見起色湖北漢口每包價銀一錢四分有零淮南甲寅綱窩見值七錢四五分如此疏銷綱課不難催督通河衆商莫不歌咏

聖澤見在踴躍辦理癸綱殘鹽業將告竣甲綱新運亦於本年四月二十七日開江趕運銷售等情前來

臣隨即飭令各商急公辦運實力疏銷不得誤運  
壓網井嚴飭各屬加意巡緝毋使隣私稍有透漏  
好但得實心任事之臣天下未有不克辦集之政務也  
外理合奏

聞

一江南地方易生蝗蝻未萌之先宜早防範經臣  
將飭令各屬預防緣由奏

聞在案茲於本年閏四月初四五兩日先據上江所屬  
之霍邱縣文報該縣汪家集地方草場內忽生蝻



子零星兩塊又據下江所屬之蕭縣文報該縣龍  
山湖地方有魚子化蛹狀如小蠅約十數塊并據  
各稱當即會同武弁督率兵役人等現在焚燒捕  
撲各等情前來臣即飛檄司府各縣極力驅燒捕  
撲雖萌動無多亟須徧加搜查不得稍留餘孽取  
結通報仍飛飭各屬一體及早防禦以保禾稼不  
致上厯

聖懷理合

奏明謹

奏

能令屬員不事隱諱於初萌時即早爲撲捕自不致有滋蔓之患

同日又

奏一海洋口岸商艘往來防範最宜嚴密前因山東省安東衛民徐瑞海船裝載客豆行至開山地方被劫當據舵工盧欽呈報海州據詳到臣隨檄飭

沿海文武員弁四路緝拏在案茲據江陰縣詳報  
本年四月十一日有平寧沙船戶陳秀章之舵工  
蔣進臣水手陸振彩抱贓投首據稱二月初六日  
有通州陳國安來雇身船約至任家港裝載李詳  
生貨物初十日駕船到通停泊港內是夜即有十  
餘人上船將水手四人細縛捺艙開船出港又奪  
崇明空船一隻在洋行劫掠分贓物數件逼令幫  
同駕船其時雇船之陳國安亦在船內拘管甚嚴

欲逃無路今幸船隻夜行擱淺二人相約赴水逃  
歸等情到臣當即懸賞勒限嚴飭通州等處文武  
協力捕擒并飭江陰縣密帶蔣進臣認識賊盜務  
期必獲綏靖海疆合將抱賊投首分緝情由先行  
奏明

一據通州知州詳報督率兵役出洋巡緝於四月  
初十日在殿山地方拏獲賊船一隻盜犯陳四等  
六名見起有黃豆菜豆豬酒衣被等贓續又於小

淺沙掣獲盜犯李五等五名又於姜竈港地方掣  
獲盜犯朱耀先一名又據盜犯一名姜鬍子自行  
投到又本月十一日於白茆港掣獲賊船一隻盜  
犯戴詳生等八名見起有贓豆等物等情到臣臣  
隨批司速飭傳喚開山被刦事主盧欽并江陰縣  
抱贓投首之蔣進臣陸振彩到通識認原贓原船  
究訊盜夥行刦次數追起全贓如有逸盜再行嚴  
緝獲究務盡根株毋使縱漏臣當將獲盜之兵役

從優給賞以示鼓勵外合將獲盜緣由具摺奏

聞謹

奏

安民之道惟以緝匪靖盜察吏訓兵為根本要務餘皆枝葉邊事也

雍正十三年五月初八日江南總督臣趙弘恩謹  
奏一前據霍邱縣并蕭縣報生蚰子經臣將飛飭撲  
捕緣由奏

聞在案今續據上江所屬之盱眙泗州靈璧三州縣下  
江所屬之海州寶應碭山銅山清河安東及徐州  
衛七州縣衛先後報稱各所屬近湖之地有魚子  
化作蝻形萌動等情臣俱飛飭各屬文武員弁督  
率兵役鄉保人等多募人夫星夜撲捕見已據盱  
眙寶應泗州等處結報撲淨在案其餘各屬亦嚴  
飭見在竭力撲捕將次淨盡續又據蕭縣稟稱該  
縣龍山湖蝻子已經撲盡無遺今有崔家口李家

莊地方界連豫省亦有蝻子生發如蠅竝未生翅  
隨會同武弁雇募人夫連撲六七日夜已去十之  
七八計日可淨等情到臣臣因界連豫省一面移  
咨河東督臣轉飭協同撲捕并差委臣標把總星  
往察查亦同協捕務各淨盡斷不使稍留餘孽致  
今歲江省蝗蝻生發何其多也嚴飭各屬實力奉行毋  
傷禾稼以厘  
得少有疎慢  
聖懷

一下江通州地方多屬沙田涵地今歲二麥穗出



雙岐前據狼山鎮呈報前來經臣奏

聞并將瑞麥已恭呈

御覽隨又據上江所屬之合肥壽州鳳臺三州縣并下  
江所屬之丹徒金壇二縣先後具報各所屬地方  
麥多雙穗萬姓歡騰并送瑞麥到臣臣逐一查驗  
無異不敢瑣呈

御覽理合奏

聞據該撫等已齎呈朕覽矣

一據江寧布政使李蘭會同安慶按察使劉柏詳  
稱廣德州地方四面環山素多虎患居民每受驚  
害該州請捐俸照從前部定式樣製造一尺五寸  
長烏鎗二十桿分給獵戶等專司捕虎將所造烏  
鎗造冊分送文武衙門以備稽查貴池南陵懷寧  
等縣亦有虎患應請一併製給等情到臣查虎  
患實為民害但係猛勇之獸似非一尺五寸之鎗  
所能禦捕可否照營制之式製造官鎗二十桿存

貯該州縣庫遇有虎發即將庫貯之鎗分給獵戶等委令員弁督率搜捕俟捕除時該委員仍將各鎗即行收繳貯庫庶禦虎有資而軍器不致民間濫用是否可行臣未敢擅便理合奏請

皇上訓示遵行謹

奏

照式製給備用可也

同日又

奏一江省各汎墩臺多建河濱逼近民田向因取土  
辦石維艱均皆木置歷來稱便今臣又與撫臣高  
其倬提臣補熙面為酌商仍用木置俱各意見相  
同將來修葺換補亦易為力足資守望是否有當  
伏乞

好  
皇上訓示遵行

一蘇松常鎮等屬一切支河港渠繁多因年久淤  
塞民間田疇每苦蓄洩無資經臣議立條規約定

捐錢數目復經

題請在案今聞民情無不歡忻鼓舞踴躍趨事其有  
緊要河渠俱在疏濬挑浚可緩工程俟於農隙興  
修民田蓄洩灌溉頗有裨益二麥收成與往歲不  
同每上田一畝竟有收至二石四五斗不等中田  
每畝收有一石六七斗下田每畝亦有石餘各處  
收成多皆彷彿早禾現在栽插臣赴常會勘秋審  
沿途目見羣黎俱皆盡力田間紛紛興作樂業歡

騰臣亦不勝雀躍之至理合一併奏  
聞第秉公酌宜辦去目前小效無庸計及

一鎮江府城外新河口地方江岸被風浪衝坍臣  
恐有礙城池運道亟宜保護隨咨准大學士總河  
臣嵇曾筠覆稱查勘坍崖處所相距府城尚遠無  
關運道且目下形勢未定非樁埽所能捍禦俟伏  
秋大汛之後相度機宜再為斟酌等因又彼地附  
近向設礮位亦經將軍臣王鈇暫移演武鎗廠另

擇地安置各緣由經臣一一

奏明旋於閏四月內經將軍臣王鈇擇有鎮城北零  
山脚下曠地背山面江一望平坦長江浩瀚適當  
阮塞建立礮房永遠無虞當即會同臣與蘇州撫  
臣高其倬具

題在案今臣順道親歷各處所查勘無異合再  
奏明  
汝既身經目歷諒不至差謬也

一蘇州按察使郭朝鼎於初到任時辦事頗覺勤

敏及來省進見人亦明白乃自今春以來行事每  
多任性案件亦多草率又聞聽信書役未能覺察  
臣俱隨事批飭訓誡并留心體訪今臣赴常會勘  
秋審道經丹陽聞有前叅革貪婪知縣甯承謨案  
內款犯黃聲聞等取保一事而該司衙門書役陳  
祿渠嚴致和等膽敢舞弊詐贓臣隨密飭鎮江府  
查出說合之孫尚卿已據供認過付銀兩等語至  
此外有無沾染之人及贓銀確數正在飭究間而



此案人犯已經蘇撫臣高其倬親提究訊臣現在  
仍行密察自應研究虛實務得確情無枉無縱外  
理合先行奏

聞謹

奏

郭朝鼎非關任性或因遷轉濡遲興致隳頽耳原不係  
誠實純人吏才猶有可取加意訓戒以成就之

雍正十三年五月十二日江南總督臣趙弘恩謹

奏為奏

聞事竊照江南江西三省雍正十三年各屬大小二麥收成分數催據蘇州布政使張渠江寧布政使李蘭江西布政使刁承祖各查報前來臣查蘇州省八府三州各所屬收成自十分九分以及六七八分不等安徽省十四府州各所屬收成自十分九分以及七分六分不等江西省十三府各所屬收成自十分九分以及七八分不等至三省民間米

價均皆平減江寧等府屬每石價銀八九錢至一  
兩二三錢不等安慶等府屬每石價銀七八錢至  
一兩一二錢不等南昌等府屬每石價銀七八錢  
至八九錢不等二麥豐亨米糧價減婦孺盈寧閭  
閻含哺大有熙皞之象理合據實奏

聞所有三省麥收細數

臣

謹另繕清單恭呈

睿鑒謹

奏

三省麥收分數欣悅覽焉

雍正十三年六月初六日江南總督臣趙弘恩謹  
奏一本年五月二十一日據江西豐城縣稟稱該縣  
地處低窪全賴長堤以為保障茲於閏四月二十  
五六七等日驟雨連朝外江內湖一齊水漲連日  
督率縣丞捕巡各員協同鄉保人等在於各隄晝  
夜防護大修工隄均皆平穩惟上年歲修之鄔坊  
塹突於二十九日夜間漫開隄塹十餘丈五月初

一日江水愈泛是夜又將長樂牆隄亦漫決十餘丈但各牆內田地皆種晚禾應於五月栽插菜麥俱已收穫毫無傷損居民田舍尚皆無恙俟查確另報等情前來臣隨飛飭江西布政司星委能員前往漫潰各隄所協力搶築完固飛報并令確勘大修隄身果否平穩居民廬舍是否無恙并於水勢消退時即速佈種晚禾雜糧以冀秋收外理合先行奏

是

聞

一同日又據署建昌府稟稱所屬南城縣十八都  
地方麻姑山白沙嶺等處地處低窪於閏四月二  
十七日大雨山高水急低田禾苗間有被淹但山  
溪水勢原係旋長旋消可以及早補種無力窮民  
即令借領社穀以資飯食等情又據稱所屬之南  
豐縣四十四都地方有長陂街井灣堡二處地居  
低下因閏四月望後連日雨多水勢驟湧坍卸民

人草房共二十間淹斃男婦老幼十一名口俱已  
撈獲資助掩埋其餘田禾均皆無害各等情前來  
臣俱飛飭江西布政司立速遴員分途星往該二  
縣會同地方官確勘詳查推廣

皇恩加意資助賑恤務令被水窮民安堵不致失所外  
合併  
詳加查勘實力賑恤勿俾屬員虛應故事  
奏明

一臣前據上江之霍邱等州縣并下江之蕭縣等

州縣暨徐州衛各報有蝻子萌動臣即嚴飭各地  
方文武員弁星夜撲捕業經奏

聞在案續又據下江江浦阜寧鹽城等縣亦報有魚子  
化蝻臣俱飛飭各地方官弁督率兵役多募人夫  
竭力撲捕并令凡屬交界鄰邑無分疆界一同竭  
力協捕又差標員一同捕查今除靈璧清河鹽城  
沛縣山陽碭山等六縣尚未結報外其餘各屬俱  
已先後文報撲捕淨盡無遺竝無傷損禾稼各具



一面之詞未可遽信為然須更留心體訪的確印結前來臣仍嚴飭各地方官弁再行徧加搜查務盡根株不得稍有疎懈并催靈壁等縣竭力撲淨結報外恐塵

聖懷合再

奏明謹

奏

覽

同日又

奏一本年五月十一日據瓜州城守營守備蔣飛鵬稟稱五月初三四等日東南風甚緊於初五日夜瓜州南水關外江邊查子港之東護崖埽工坍塌約長二十餘丈濶二十丈見在上緊修築等情前來臣隨飛飭淮揚道并淮河江防同知協督河員多募人夫晝夜實力搶築多方保護不得汕刷內地續於二十一日據該江防同知李煒文報坍折之時當即協同河營備弁率領兵夫搶下長椿大

埽加鑲一律已經完固平整見在住宿工所防護  
等情臣仍嚴飭各河員加謹保護不得稍有疎懈  
外既經坍折衝決之患定應不免何以未見奏及  
埽工所有埽工坍折及見今修築完固緣由理合

奏明

一鎮江府城外新河口地方被風浪坍塌江岸民  
房情形并咨准總河大學士臣嵇曾筠指示機宜  
以見今土性浮鬆形勢未定從緩修築各緣由經

臣節次

奏明在案茲於本年五月十五日復據鎮江府稟稱  
新河口西掘港東岸地方於本月十三日夜又坍  
去江岸約長二十餘丈寬四十餘丈并坍去居民  
房屋八間竝未損傷人口等情前來臣即檄飭蘇  
州布政司暨各道府等立速確勘情形將被坍房  
屋民人照前加意賑恤如有鄰近民舍應行遷移  
即令資助早為遷移并咨准總河臣嵇曾筠札覆  
云親往勘驗復坍江厓在新開迤下掘港口地方

竝非舊埧之處查新閘厓岸從前淘成鉗口形勢  
未免兜灣迴溜今下游攔水尖角埧缺一塊水勢  
通暢上游新閘一帶方不致迴溜衝激此番塌卸  
實於小閘地方甚有裨益等語臣又見在咨商保  
固之法容俟商定妥協另摺恭請

聖訓外理合一併奏

聞謹

奏

江岸坍塌情形嵇曾筠已備細奏聞矣

雍正十三年六月二十一日江南總督臣趙弘恩

謹

奏一上下兩江各屬自入夏後雨水俱各均調惟淮  
徐一帶從前得雨稍稀至栽插之時亦無不均霑  
膏雨茲據上江之寧國太平廣德三府州屬具報  
於六月初一二三等日得霑大雨下江之常州府  
報稱所屬於五月十九二十四二十九等日連獲

雨澤鎮江府稟報所屬於六月初三初五等日得  
雨霑足淮安府報稱於五月二十九日大雨如注  
徐州府稟稱徐屬於五月二十八九六月初一等  
日各屬皆得大雨海州稟稱五月二十三十四兩日  
連得雨澤等情至江寧地方亦於六月初三初九  
得霑雨澤十八日又得時雨田禾均沐膏潤惟揚  
屬雨澤稍稀又聞淮安府尚在望雨又上江之安  
慶徽州池州廬州鳳陽五府并和六潁泗四州間

有雨水稀少之屬俱稱高阜田地尚有塘堰港渠蓄水可滋灌溉若再得甘霖秋成更為豐稔各等情前來臣隨飭令各屬虔誠祈禱以迓甘霖普沛

今歲除未報各屬現在飛飭確查另報所有上下兩江  
南方禾稼情形不及北地遠甚亟當省察吏治平  
目下已未得雨情形恐墮

允政刑以調順民情可也  
聖懷理合據實奏

聞

一上下兩江霍邱等州縣前經據報各湖灘草場



內間有魚子化蝻臣隨飭各地方文武員弁及時撲捕其已未結報淨盡各緣由經臣

奏明在案今據靈璧清河沛縣山陽碭山等縣俱已

出具撲淨竝無遺類印結齎報到臣嗣又據寶應

宿遷桃源睢寧虹縣丹陽銅山七縣報稱各境內

間有蝻子生發隨即撲捕竝無損傷田禾等語又

據奉賢縣稟報沿海地方偶生蟲類形如寒蟬而

小俗名紅蟲間傷豆葉無礙花稻等情臣俱飛飭

各彼地文武官弁均各實力設法捕除務盡根株  
取結通報但查蝗蝻生發撲捕貴在神速隨萌隨  
捕自易殲除臣久經通飭預防又不時嚴飭搜查  
如果隨萌隨捕蝗蝻何至為害切須力行訪察督飭方  
一有萌動即時撲打不許各屬稍有疎懈致滋蔓  
不被懈惰屬員之欺蔽也  
延有傷禾稼以廛

聖懷合再

奏明

一據署潁州知州李元祥稟稱訪得州屬霍邱縣

葉家集地方有愚頑多人聚衆結盟名為鐵尺會有高二王三洒宋大漢郭長腿等數十餘人於閏四月二十二日在丁屆遠家拜盟會酒演戲前搭布棚十座各執鐵尺一根高二王三洒居中擺列扁擔二條以作刑杖凡不聽指揮者以扁擔責之五月十二十三等日又在菜園內演戲三本在王三洒家聚會共有二十餘席但未獲確據及棍徒的實姓名住址見在密檄查拏等情到臣臣查棍

徒聚衆結盟大干法紀隨即密飭安慶按察司暨  
該州密行查拏務獲并飭不許妄拏無辜滋擾一  
面移會安慶撫臣趙國麟一體飭拏俟獲到確審  
另

奏外理合先行奏

聞謹

奏

此種匪徒即如苗之有莠若不查拏懲治善良何以安

枕綏輯地方此為第一要務

同日又

奏一下江海邊地方民情刁悍積匪尤多臣留心訪

察恐有以出洋採捕為由而肆行搶劫者嚴飭文

武官弁密訪確實設法擒拏並將自首減罪之條

徧示曉諭在案今據常熟縣詳據賊犯張繼自首

雍正十二年正六等月同夥吳大等在狼山前海

洋搶劫不知姓名猪船鯊魚船麥船棉花船木船

各案隨拏獲吳大等十一名尚有九名未獲等語  
臣當加獎勵并檄飭文武各官多差兵捕勒緝逸  
盜及此外有無為匪賊犯查拏務獲究擬以副  
除緝盜之外寧更有安民妙術耶勉為之  
聖主靖盜安民之至意理合奏

聞

一本年六月初三日據江西吉水縣稟報該縣沿  
河地方於閏四月二十七八兩日陰雨連綿上流  
贛河水發驟長二丈低窪田禾間被水淹隨於五

月初一初二三等日共退丈餘沿河查看被淹田  
苗俱經退出偶有傷損即已補栽晚稻不致荒棄  
其橋梁道路亦間有坍塌等情同日又據萬安縣  
稟報該縣棉津汎河邊地方於閏四月二十八日  
大雨水湧衝坍塌塘路三處或長八九丈五丈不等  
或寬一二丈三丈不等并衝倒行人往來憊息茶  
亭一間民居草店三間竝未損傷田禾人口其所  
坍塌路見在暫設渡船應付水勢亦漸平消等情

各具稟到

臣

隨飛飭江西布政司委員分途前

往吉水縣查明被淹田禾果否俱已退出其有低窪間損禾苗即令勸諭星速補種晚稻以冀秋收并查明萬安縣地方田禾人口果否竝未浸損其衝坍各橋梁塘路亦飭作速勘估修葺以利行旅并將被水居民加意賑恤無致失所另報外理合先行奏

聞謹



奏

凡值此等水發之處必有被淹黎庶即一二戶口亦當撫恤令沾實惠若以其數少而遂加隱諱則大失父母斯民之責矣誌之

雍正十三年六月二十六日江南總督

臣

趙弘恩

謹

奏一

臣

據奉賢寶山華亭三縣稟報六月初二日午

後颶風大作初三日海潮湧漲直至沿海一帶土

塘脚下高阜之處水深二尺低窪處所探有三四尺不等初三日巳午二時風漸迴緩漲潮亦即退落高下田廬皆得無恙其塘外之田雖被潮浸旋即消退亦無傷損各等情前來臣查伏汎遇有颶風實為猛勇今邀

聖主福庇各塘穩固無不共慶安瀾但查土塘身外於頂衝處所間有被風濤巨浪洗刷者除飛飭各該土塘為邊海一帶保障最關緊要嚴督各屬員及時修地方官并在工各員詳加查勘隨時亟早修補培

補堅固

築堅固以防秋汎外所有伏汎風潮情形恐厯

聖懷理合奏

聞

一據蘇松水師總兵官陳倫炯稟稱吳淞海口為  
蘇松門戶南北商艘出入絡繹而各船遇風收泊  
舍此一口更無他處可以寄旋奈此口竝無高山  
大阜可為瞭望標準每遇黑夜欲收口船隻無可  
尋覓只得停泊外港猝遇風浪無所逃避每至驚

慌失措今巡洋目擊堪虞隨查勘吳淞港口有礮  
臺兩座北屬吳淞南屬川沙可於各臺上設立高  
竿懸掛明瓦號燈二盞竟夜長明以為港口南北  
標識使黑夜收風船隻望為準繩以便入口至每  
夜所需燭費約計二臺一月不過四金請飭就近  
之寶山縣製造月給燭價交營令看守礮臺兵役  
然點照管仍令該縣不時稽察等情并准提臣補  
熙咨商到臣細查所議實於海洋昏夜收口船

隻大有裨益除行蘇州布政司於寶山縣捐錢項  
誠屬有益之善舉應照所議施行  
內酌議動支轉飭遵照辦理外理合奏

聞

一兩江地方迷拐之風惟蘇松尤甚臣屢經密飭  
嚴行查拏上年拏獲拐犯陳虎子等一案隨經臣  
奏明在案今於本年閏四月內又查據崇明縣詳報  
有民人黃忠之子黃寶被人劈腦去足棄擲身屍  
等情當即批令嚴拏兇犯務獲究擬去後旋據報

稱拏獲拐犯李四楊秀珍楊素小劉等供認劈腦  
取髓賣與人合藥情實除見在嚴飭訊究夥黨務  
盡根株研訊買髓合藥之人并通飭各屬再行嚴  
此種惡風殊堪切齒自應嚴究痛懲海宇之內竟有如  
拏以靖迷拐之風外理合奏  
聞是怪誕邪方耶

一上江地方每有不法棍徒聚衆肆橫妄逞刁悍  
茲有桐城縣舉人方道章等控告錢洛訪陳觀文  
冒塚盜葬藐法抗斷等情經安慶撫臣趙國麟委

令該縣同試用官往勘竟有事外之素稱光棍吳  
大桂暨錢陳二姓族人率衆攔阻拋擲石塊碎桐  
令汪振甲之帽并毆方姓之人復敢於六月十六  
日近錢姓街道罷市希圖挾制官長殊干法紀臣  
查此等棍徒若不大加懲創何以戢刁風而安良  
善隨會同安慶撫臣一體飭司嚴拏究擬外理合  
奏

聞謹

奏

業經有旨批示趙國麟奏摺矣

雍正十三年六月二十九日江南總督臣趙弘恩

謹

奏一本年上江所屬地方自入夏以及五月內雨水俱極均調至六月以來雨澤稀少如安慶徽州池州廬州鳳陽五府并六和潁泗四州各所屬高阜地方見在祈雨情形經臣奏



聞在案續據徽屬之歙黟二縣池屬之銅陵建德青陽  
石埭四縣泗州并所屬之盱眙天長五河三縣及  
和州各呈報於六月初十十一十七八等日先後

得雨又鳳陽府稟報鳳屬各州縣俱於六月十七  
聞上江數府缺雨殊甚今觀奏報情形與朕所聞頗不  
相符萬勿隱飾以圖取悅一時耳目  
興起等情其餘各屬曾否得雨尚未報到而池屬

之貴池東流廬屬之舒城等縣望雨尤切俱在虔  
誠祈禱再江寧省城見今米價每石中熟米一兩

一錢五分次熟米一兩四分糙米九錢四分恐厯  
聖懷理合先為奏

聞

一江西省雨水情形惟南康府之星子都昌建昌  
三縣九江府屬之德化瑞昌二縣南昌府屬之南

昌寧州奉新等州縣均自五月內得雨之後未蒙  
江西亢旱為時已久朕日夜憂心莫釋而常安總未奏  
普霑膏澤臣俱飭令各屬勤加修省虔誠祈禱臣  
聞不解何故  
亦在署恭設香案早夜敬謹虔求并令布政司查

勘情形及各屬見今有無得雨另報外理合奏

聞謹

奏

覽

同日又

奏一江南蘇松常鎮等府屬地方支河渠港年久淤

塞難資蓄洩經臣

題請開浚接准部咨又經酌定條規并按畝捐錢數

目

題覆在案竊捐錢挑濬河渠實有利於田疇各屬民情無不歡忻鼓舞踴躍疏浚其已挑濬之處頗得資其灌溉甚為有益其因值農忙未經挑濬者務於秋成水涸後方得興工臣恐各屬收貯捐錢積久過多則民間使用不無漸少倘或錢價時昂似非流通之道當經檄行蘇州布政司通飭各屬將一切捐錢收有成數即照依市價公平儘數易銀

貯庫以濟工費庶  
既便於流通且便於收貯此舉是  
國寶流通市價亦不致騰貴矣理合

奏明

一上江亳州并徽寧池太等府屬以及江西鄱陽  
湖等地方每有私鑄小錢販往別省售賣者經臣  
屢飭文武各官密加查拏并咨移湖北督撫臣轉  
飭一體查拏在案今臣訪聞池州府銅陵縣大通  
鎮等地方有不法棍徒私鑄小錢販往湖北等處

售賣大干法紀隨即嚴飭安慶按察司并池州府  
營及銅陵縣密行查拏務獲不得妄拏無辜仍一  
面移會安慶江西湖北督撫各臣轉飭一體查拏  
獲究外理合奏

聞謹

奏

私鑄不除錢法終弊應極力查拏者

雍正十三年七月二十一日江南總督臣趙弘恩

謹

奏竊

臣春間接江西撫

臣常安札云廣信一府離省

遙遠請將南昌總兵移駐其地以資彈壓

臣以移

鎮一事所關甚鉅俟細察情形博採輿論再為商

定覆訖閏四月二十六日續接撫

臣常安札云察

勘全省形勢分別三隅廣信九江二郡俱係扼要

或竟移鎮於廣信廣信叅將移於建昌建昌遊擊

移於省城抑或移鎮於九江九江副將移於廣信

而叅遊亦照前更移等語臣再四籌思總兵駐劄於南昌居中為制勝之形似應仍循其舊或以廣信叅將改陞副將於鎮標中酌抽弁兵添增以壯軍威似較舊制更妥等因覆商再行查酌今於七月十六日准撫臣常安亦以廣信改陞副將復商到臣彼此意見相同除見在會疏另

題請

旨遵行外所有會商辦理緣由理合先為



奏明并將查明原委另單備錄恭呈

聖鑒謹

奏

更改營制務須洞達地方形勢詳審控扼機宜斟酌至  
當俾後人無可擬議方為善舉否則朝設暮移徒滋一  
番勞擾不特無益於事亦復成何政體耶

同日又

奏一上江各府州屬自五月初旬得雨之後漸次稀

少不均亦有受旱之處各屬勤求祈禱至六月十五以前雖前後報獲雨澤多屬微小未能透足至十六七八九等日甘霖大沛旋於二十三以及二十七八九等日并七月初六七日以內又復疊蒙雨澤田禾俱已暢茂秋成有望尚有安慶府屬之潛山太湖宿松三縣廬州府屬之舒城滁州所屬之來安廣德州屬之建平六安州屬之英山并潁州五州縣雖經得雨而高阜之處尚未透足其

下江各屬五六月以來雨澤頗得及時秋成可獲  
豐稔惟上江池州府屬之東流銅陵二縣下江揚  
州府屬之興化淮安府屬之鹽城二縣各得雨較  
少其低窪田禾均各暢茂而高阜禾苗艱於車戽  
者未免受傷臣俱飛飭各縣出給資種勸民改種  
蕎麥雜糧以冀秋收至江西一省前於五月初旬  
得雨之後旋即稀少而南康九江南昌三府所屬  
望雨尤切六月初旬雖間有報獲雨澤者俱皆微

小至十六七八九等日霖雨滂沱通省各屬具報  
得以普沾者十之八九并稱旱禾漸已登場晚禾  
亦復茂發尚有臨江府屬之新淦吉安府屬之廬  
陵撫州府屬之樂安南康府屬之星子等縣具報  
六月十七八日得雨未甚沾足亦尚有未據報到  
者俟查明續後有無得雨并報到日期及各省實  
在收成分數另報外所有三省雨水情形恐厯  
返躬內省勤察吏治為要雨暘情形雖據報稱霑足者  
聖懷理合再為奏

多朕不能無疑焉  
聞

一 本年上下兩江霍邱等州縣前據報有蝻子萌  
動及俱經捕淨取結各緣由經臣先後

奏明欽奉

硃批一面之辭未可遽信為然須更留心體訪的確欽  
此欽遵仰蒙我

皇上恩施教誨指示精詳臣隨即密行查訪節次嚴飭  
在案查前經

奏明之寶山等七縣竝奉賢縣所報生發之蝗蟲俱已查據各屬結報撲捕淨盡臣均在又行密訪竊又有續報蝻子萌動各屬除具報旋即撲淨查明竝無有傷禾稼者未敢瑣陳外今查尚有續報山陽安東沛縣并海州沭陽泰興六州縣暨富安場一處萌生蝻子見在嚴飭各地方文武官弁兵役并令多雇人夫星夜協力捕撲其山陽一縣發生地方較多臣并委標員前往查察協同力捕均俟

各屬撲捕完竣密查明確另報外理合再為

奏明謹

奏

蝗蝻非雨澤可比猶屬人力能為之事何以至今尚有  
未經捕盡之地耶

同日又

奏一松江沿海塘工臣不時移行承辦各官實力修  
築小心防護以防伏秋二汛茲據蘇州布政使張

渠稟稱親往上海奉賢一帶土石塘工逐加查勘  
堅固平穩者居多惟戚家墩西第十八號石工掘  
勘石料較小未能一律整齊其石塘外面新築之  
外貼坦坡日久堅凝查較石塘蓋土低有七八寸  
之處見催工員修築一律告竣至內附土塘填砌  
浮鬆石塘外之外護土塘逐年歲修未見加幫高  
厚而石塘之外護塘之內挑挖引河尚多淺窄又  
金山頭土石二塘之外添築小土塘一道原資捍



禦金勝二山潮頭此塘土鬆椿浮多被潮坍等情  
臣查修築海塘乃我

皇上為生民萬世永賴之基而在工承修各員豈可因  
循草率除飛飭該司逐一委員丈勘明白并咨會  
蘇州撫臣飛移總理塘工寺臣俞兆岳等嚴飭在  
工各員將前項苟簡工程一一如式修補一律平  
穩并令查明確實另行報叅又聞塘工一切動用  
錢糧所有寺臣俞兆岳九年以前文案稱係火燬

臣恐其中或有侵冒難開之弊查藩司為錢糧總  
匯其一切支放自有卷冊可稽并飭該司務宜查  
核清楚無任工員糜費開銷并咨移撫臣高其倬  
是  
會飭確查外理合據實

奏明

一本年五月內瓜州關外江邊查子港地方護岸  
埽工坍塌丈尺情形并隨據工員搶築完固平整  
緣由經臣具摺奏

聞欽奉

硃批埽工既經坍塌衝決之患定應不免何以未見奏  
及欽此仰見我

皇上宵旰憂勤痼瘼民隱無微不至意臣查前項坍塌

折埽工前據瓜州營守備蔣飛鵬稟報並未報有

衝決臣隨檄飭淮揚道等確查尚未文覆因念一

切河務時厯

宸衷未敢緩待是以先即

奏明旋據揚州府知府高士鑰暨江防同知李煊覆  
稱前項坍折者乃江厓舊埽工程離城三十餘丈  
內係堤岸城濠竝無衝決田禾廬舍人口等情在  
案茲奉

硃批臣又復加確查實無衝決之處理合

奏明謹

奏

覽奏田禾廬舍竝無衝決之患可謂出朕意料之外矣

雍正十三年七月二十九日江南總督臣趙弘恩  
謹

奏一據蘇州府吳縣稟稱蘇城於七月二十日午後  
風雨交作有北亨三圖地方忽起龍雨帶坍涼棚  
一箇并被大風吹損城隍廟殿角屋脊茶棚屋角  
等項大樹二株又吹損北元一圖泥土壁巷民房  
四間半南二圖一帶東美等四巷暨朱家園地方  
各民房數間等情前來臣即飛飭蘇州布政司確

查賑恤外理合奏

聞

一據通州分司運判稟稱石港場等地方於七月初三四五六等日連次得雨河水漸長初七日夜至初八日大雨如注河水平岸隨即督率各場大使耆保人等前往沿江沿海一帶地方并移通州州牧會同飭令民田竈場居民築壩開溝預備宣洩隄防隨於初八日午後雨止初九初十等日晴

霽河水漸已消退竈地民田一切禾苗花豆俱無  
浸礙等情前來臣隨飛飭蘇州藩司暨兩淮運司  
星速委員往勘田禾花豆果否無恙并河水消退  
情形另報外理合一併

奏明

一安慶撫標兵丁蔣榮貴與民人黃花子互扭被  
跌在地內傷腸斷身死屍弟蔣必貴係城守營兵  
丁以懷寧縣相驗不公咆哮不肯收殮復率多人

拉扯該縣之轎詈罵辱官肆行無忌撫標中軍叅將王珽竝不喝阻已經安慶撫臣趙國麟將鈴東不嚴之安慶城守副將袁有明等并該叅將王珽會叅在案今據該叅將王珽詳稱七月十三日安慶按察使劉柏差安慶府知府郭朝端親持印文云副將袁有明已自洗白遺禍於你若不通詳扯他將來必受他害等語當將攜來臬司印文囑珽鈔錄并囑通詳至十四日朝端差人持書赴珽取



看詳稿琹覆且緩乃私囑懷令陶士傑將未革糧  
兵丁趙廷相嚴加夾訊只要供係琹之指使琹實  
不知情其司府之意欲兩相殘害實有憑據等情  
到臣臣查同城文武應宜仰遵

聖訓和衷共濟於兵民方有裨益臣屢經嚴飭不啻至  
再今據該叅將所詳大非文武和衷之誼且係叅  
後反噬而是否確實亦難遽信除嚴飭安慶按察  
司暨安慶府據實回覆并咨安慶撫臣會查外理

合先行奏

聞謹

奏

所奏不自覺瑣屑乎大凡人之舉動不本諸至誠而涉  
於心機作用皆無益於已亦無濟於事縱操神術奇策  
究未有不被識破者惟確秉丹忱無欺無隱任勞任怨  
纖毫弗事趨避方能邀朕許一是字計不出此而惟權  
巧迎合是務所謂欲前而却行愈見其拙矣



硃批諭旨卷二百十六之五